

**Uunga siunnersuut: Sulisitsisut aamma atorfillit akornanni inatsisitigut pissutsit pillugit  
Inatsisartut inatsisaat nr. xx af xx.xx. 2012-imeersoq.**  
(Aningaasaqarnermut Naalakkersuisoq)

## **Saqquummiusissut**

### **Siullermeerneqarnera**

Naalakkersuisut sinnerlugit matumuuna atorfillit pillugit inatsisissatut siunnersuut maani pissutsit aallaavigalugit suliarineqartoq saqqummiutissavara. Maannamut maani nunatsinni sulisitsisut atorfillillu akornanni inatsisitigut pissutsit pillugit inatsiseqartitsisoqanngilaq. 2008-mi ukiakkut katersuunnermi immikkoortoq 55-ip akuersissutigineqarneratigut Inatsisartut aalajangiipput pissutsit taamaannerat aaqqiivigineqartariaqartoq.

Taamaammat Naalakkersuisut siunnersuut pineqartoq suliaraat, taamaalluni isumaqatigiissutit malillugit sulisut sulisullu tjenestemandinut assingusumik atugassaqaartitaasut inatsisitigut naammattumik illorsorneqarsinnaalerniassammata. Taamaammat Kalaallit Nunaannut atorfillit pillugit inatsisip attuilersinneqarnera ulluinnarni allanngorernik annertuunik nassataqarnavianngilaq. Tamatumali kingunerissavaa inatsisitigut tunngavissat nalorninartuerunnerat, tamakkumi atorfilinnut tamanut assigiilersussaammata.

Taamaaliornissamut piffissanngorpoq inuiaqatigiit atugarissaartut annertuumik iluarsaaqqifflusussanngormata. Minnerunngitsumik pisortat suliassaqarfii 2025-p tungaanut oqimaaqatigiissaakkanik allanngortitsisarnissat naammassisqaqrinnaalernelernerlu piumasaqqaatigineqalersussaapput. Taamatut piumasaqaateqartoqalissaaq kikkut naalagaanerat apeqqutaatinngagu, taamaammallu pingaaruuteqarpoq sulisut pitsaasunik inatsisitigut inissimalernissaat. Naammanngilaq danskit inatsisaanni aalajangersakkat innersuussutigiinnartassallugit.

Siunnersuut taanna Inatsisartut akuersissutigissappassuk pisortat suliassaqarfii siunissami unammilligassaaqaqisut nukittuallatseqqissavagut. Aqqutissarput takeqaaq kisiannili ataatsimoorluta annertuunik annikitsunnguanillu ingerlariaqqittassaagut.

Neriuppunga Inatsisartut siunnersuut ilassilluarumaaraat.